

院齋醮所給鍾羹米周雖中降福之儀我聞
飛霜之韻始聞仙山之內法器且多既無考
擊之期虛敵辨洋之表道隨誠感雖固可移
願滅有餘資其不足輟於翠嶽還就皇都清
聲漸遠於彤雲洪響佇聞於紫禁願會誠祝
永鎮京華不任

廣成集卷之十一

廣成集卷之十二

上郡太清宮內供奉應制文章大德賜紫柱先虛撰

醮名山靈化詞

伏以大道融精是分二象元尊布化以播萬
靈咸稟運於裁成共輯寧於邦國欽哉群望
寔總休禎伏自應天順人開基創業雖未致
昇平之理而幸成富庶之鄉四國爰來百辟
咸在人心允若天意昭然而或教失義方情
牽慈愛付漆感之大任委監撫之重權庶人
元膺益恣冒襟都忘孝敬用奸邪之扇惑興
背叛之兇狂矢石欲及於乘與金鼓近宣於
侍從猶頽上天垂祐靈化降祥不容象鏡之
心坐珍豺狼之薰未更昏旭悉已蕩除中外
再掌寰海稱并爰擇良日仰報威靈速中昭
告之誠輒罄潢污之薦敢期鑒祐永叶安貞
不任

鎮江侍中宗黯解纜醮水府詞

伏以道化所覃神休普被上惟邦國下及人
倫咸資拯護之功潛假保持之力古今無爽
水陸攸寧巨猥以常材叨逢聖運經綸締構

慙無竹帛之勞溼澤超昇累荷乾坤之造遠

蒙齊獎顯授兵符登韓信之齋壇授呂侯之
金鉞錫茅分閭推轂專征省猶徒切於兢榮
倚注靡容於陳讓選展揀日邁命啓行況楚
峽上游錦江下瀨舳艫則千艘拯駕為許必則
萬派爭奔寔用真靈總斯降臨皇帝宸襟所
屬彛切敬恭思布化以睦鄰亦申謀而懷遠
雄師銳旅首在此行特解纜以乘疏憂際誠
而致醮伏惟玄元大聖五老高尊命靈將玄
司助洪休巨福迅浪皆期於利涉驚濤盡變
於安流萬里通津百神加祐克昌大業更廣
鳴基外屏中朝共臻禎福不任

周庠貞外填本命醮詞

伏聞天鑒孔明有感斯應神道正直無祈不
通每垂拯護之仁以副禱祈之願祛災陳貺
猶響應聲竊佩斯言常虔片志每因元命得
備焚修式勵深誠實荷明祐但慮塵機未息
過咎易盈官路所拘悔尤難道因星辰照
值年運衰危但懼災纏敢思福會自從軍都
部寓跡外封一駐戎軒兩周天序既闕奏陳

之禮必招通慢之愆本侯凱還併申酬謝今則方當劇壘未識縶弓久曠香燈不違寧處是用馳心靈觀進叩至真備三醮之物儀同一壇之闕告伏惟玄聖俯鑒丹誠解厄消災延生保命宿瑕蕩滌往咎蠲平克親成功水臻多福不任

大王本命醮萬仙化詞

伏以二氣資靈五行稟象法圓穹而定命體厚地以流形罪福言凶皆由陰陽運心履行威繫主張況荷殊榮久叨重寄循滙者分常切親慙每因章醮之壇敢忘敬恭之禮冀憑修奉上蒼君親今屬元君之辰詣本命靈化精誠香火祈扣真仙願鑒丹襟俯頒鴻福俾臣罪瑕除勝壽綠增延強寓又安生靈康泰災毒無侵於四境農桑克茂於有年得傾葵藿之心永奉昇平之運不任歸命虔誠之至

大王初修萬仙化告真詞

伏以九隴名區三仙化跡上通心宿下鎮錦川雲霞疊綺繡之光松桂殊煙嵐之色五宮高闕狀西靈南極之儀四輔交輝列東華北

真之像景標形勝獨占幽奇斜界玉輪旁臨石磧而屬師徒傲授鉦鼓震驚火慧橫空霜戈照野熊經島申之士抗步不遠漱流枕石之人拂衣長往春莊勝異一覺榛蕪紫樓之金碧塵銷廣座之儀容辭剝細惟殘毀深可歎鑿况茶本命之辰配於茲化宜申締普用答真靈乃命三洞道士唐洞卿伐木鳩工揆星選日得風箕直事當甲子良辰虔告至真恭修大醮伏冀鑒其誠懇錫以休祥災沴無侵功庸速就續昔賢之遺構成曠劫之良規播美洞天勒銘雲谷然願真靈誕祐川境謚宰稼穡滋豐爰氣珍息受靈丹於九輔聞至理於重玄常傾拱極之心仰副上真之規不任懇願之至

親隨司空為大王醮萬仙化詞

伏以上清仙山萬真靈化為川中之勝境乃天下之福庭呀玉洞以藏雲登瓊巖而蔽日彩霞朝散神燭夜飛乳滴幽巖泉鳴深窅九井之光靈自顯三真之昉靈常存拱鶴觀於中方應龍星於上境紅軒紺宇舊制相輝蕭

殿章碑古跡鱗次每彰休瑞以及寰瀛臣以本使蜀王元命之辰配屬茲化頃申締普速獲周圍飛閣層樓奪展輝於峭壁風憲雲棟增異境於崇林再啟洞天用安錦府四十州之封域歲稔京坻五千里之山河俗臻富庶人皆受賜孰不知恩臣曲荷陶鑄實深造化唯虔禱祝少答恩慈輒備醮筵上祈道力伏惟九天孚祐眾聖鑒臨下燭丹誠廣垂洪澤三川鏡廓八國塵清稼穡蕃登靈氣蕩滌神傳靈藥克享於遐年功讚聖朝永隆於大寶再安社稷常福寰區臣不任禱禱希恩虔誠歸命之至謹詞

舟處僑還北斗願詞

伏以垂象上玄照臨下土帝車運載杓的指揮罪福吉凶咸歸主宰臣等頃因銜命遠涉道途踰歷艱危登臨險阻每持丹懇潛祝玄真果蒙鑒祐之恩克獲安寧之庇仰承靈澤志切上酬敢因某日之辰虔備焚修之禮炷香答願拜荷玄恩仰冀高真採納微款祛災蕩厄增楹延齡來往坦夷公私貞吉路岐無

滯眷屬咸安常親日月之光克奉休明之主
不任

紫霞洞修造畢告謝醮詞

伏以大道希夷神仙變化示無方之妙用垂
不測之玄功幽讚帝王潛扶邦國惟今及古
史冊煥然所以磨堯姑射之遊軒后具茨之
謁周穆之登瑤水漢皇之幸崑山皆以明煙
霞瞻窺冰雪是用享年避水致理和平克振
宏休九彰道祐顧惟涼德啓創玉圍金闕玉
京敢息敬恭之禮九清三境每懷實奉之誠
粵以永平二年壬申七月二十一日丁卯漢
州什邡縣獲太上老君錫命誠文留玉篆於
仙居刻銅符於厚地生辰命屬時日姓名叙
奕世之蟬聯明卜祚之延久四年八月二十
四日戊子利州團練使王承賞奏此山靈洞
顯見神仙遂命威儀任可言高品揚知淑專
申告謝仰答先靈十月一日甲子纔啟醮建
再聞應見雲旌羽旆參差崖壁之中鶴態神
儀羅列洞門之內事過於回山瑤水美超於
姑射異茂抵荷禱祥彌增震惕是用考諸典

禮待舉封崇以是月甲申改道長山為玄都
山陽謨洞為紫霞洞景谷縣為金仙縣封玄
都山神為玉清公創啟壇場鼎新觀宇自初
撥構逮于畢功累見真儀益彰靈祝謹遣金
紫光祿大夫左諫議大夫廣成先生蔡國公
杜光庭等一十二人齎幣香花按玄科具
典於紫霞仙觀修金籙道場況屬下元允當
大節式陳昭謝再顯旌封伏惟洞府眾聖高
真仙官察宰鑒茲丹懇錫以玄休使九土又
寧萬方平一天宮地府常垂愷悌之恩卜世
享齡克叶延洪之福稽首謹詞

洋州宗愛令公本命醮詞

伏聞誕質流形感資大道稟生賦命必繫上
玄荷乾坤覆載之慈均氣運陶甄之力惟精
修勵實奉其靈伏念巨獲以微塵累切皇澤
入參輔術出領藩維曾無消露之功常切流
盈之懼今則曆象之內身宮之中暗曜正臨
大星對照慮成厄會無所告祈竊惟太上垂
文元皇設教正一著修禳之品河圖有陳醮
之科苟營精勤必蒙昭祐敢因本命之日爰

神九曜照祈禱潔丹心歸依玄極伏惟眾真
大聖俯鑒明誠蕩滌罪瑕解除冤債消平災
厄延續年齡增祿祚於南昌落凶衰於北府
洗心克已上酬真聖之恩奉國推忠永答君
親之德臣不任

又本命日醮詞

臣聞天地之德以生為先生成之恩以福為
本臣叨承福會復奉昌期蒙三光照燭之慈
荷聖主儀隆之澤便藩寵過履歷顯榮每虞
於福過災生惟切於持盈約已彌增惕懼生
敢違安今則躔次之中身宮之位火星對照
暗曜正臨仰垂象以冥心何階告謝願微生
而勵志但切憂兢是敢於本命之辰備河圖
醮禮虔披丹悃冀降玄慈伏乞賜臣災咎消
平凶衰殄息壽年增益祿祚豐延得傾嚴奉
之誠永答至真之祐

恩醮詞

越國夫人為都統宗侃令公還願謝
伏聞至道玄通隨機赴感冥丹心於下土動
玄鑒於上清響答無私影從靡隔妻夫玉宗

侃男承警等去年以統戎伐叛勤國勤王俯
 迫孤城遠淹旬月烽煙警急音問寂寥瞻寰
 河以魂馳望山川而目斷憂危徒切祈叩無
 門遠虔詣道宮乞申章奏嚴陳陰席降請天
 兵時蟹感通真靈保祐俄聞堅壁大破光狂
 成掃蕩之功副聖明之獎骨肉團聚師旅凱
 還剋平實自於睿謀護助亦兼於道力轉因
 良日昭答玄休重申章難之儀式馨謝陳之
 禮精心備信拜手然香仰真駕於三十六宮
 祈大儀於八十一好庶祥輝烜煇低臨壇墀
 之前巨祝滂泮永錫邦家之吉聖圖遐永舉
 族蕃昌誓勤嚴奉之誠克副靈真之照不任
 荷聖謝恩虔切之至

司封毛絢負外解災醮詞

伏聞道氣宣行玄功鼓鑄三靈實稟乾坤司
 覆載之權五緯播張寒暑柄推遷之運由是
 甄生賦命咸繁天關福善禍淫畢由神化是
 宜格勵以奉靈休粵自初冲即逢聖日便藩
 異爨龍沐殊恩北省南宮玉榮於踐歷紆朱
 曳紫已極於輝華常推報國之誠每切律身

之戒尚慮陰陽揆課或值凶衰厄曜運行或
 為臨臨興功動土有忤於龍神履行立身或
 虧於長慎未申析穢倍用兢憂本則立運臨
 於今辰天符飛於良地大運在戌仍值魁罡
 土星方伏於身官所照對衝於丑位懼成災
 咎彌用驚危伏聞南府文昌主生銓善北官
 斗極舉過懋非吉凶無爽於錙銖報應有同
 於鏡象真教開機陳之格惟感必通玄經垂
 醮謝之儀有祈皆應報因吉日虔備醮筵披
 灑丹誠冀迴真鑿伏乞賜巨解消災滯獨釋
 凶衰厄會平夷過尤除蕩更增福算允介福
 祥誓勤忠孝之規上答君親之念永銘素懇
 祇荷玄慈不任謝過祈恩懺災之至謹詞

張崇胤修廬山九天真君還願醮詞

伏以翰翼雄區巨廬真躡位尊五嶽地控九
 江玉闕金城包括神仙之奧府鐘峯雲蓋全
 藏真聖之高都宛然凝碧之中迥秀洪波之
 上每申瞻禮必介福祥巨頃歲以謫宦九重
 深遂一葉途經閱境心禱上真冀迴清祐之
 慈必備椒漿之獻精誠既啓膺靈垂徵尋以

路阻戈矛波驚艦孤帆有隔假道言歸常
 貯素誠未酬玄祐今則頒宣聖澤樓憩蜀郡
 舉禮道宮追思宿願報申醮酌恭達明誠寫
 聞惟感必通道無不在期迴羽仗豈云萬里
 之遙少降科車不以三川為遠納茲丹懇顯
 錫鴻林前願克圓殊恩遐被乞為巨吏更錫罪
 錄水削災纏成匡堯讚禹之功享二首六身
 之壽得領忠孝以奉君親誓當修勵虔恭依
 歸道力不任

張崇胤本命南斗北斗詞

伏聞三靈筆位萬象稟形體陰陽之至和韞
 天地之真系於是挺才賦命各有職司主死
 領生五分開捷纖微具舉考校無遺臣伏慮
 前世今生至于累劫愆違易結罪咎旋彰秉
 持未契於神明履行或虧於恭恪因星文臨
 照值年命凶衰遠構災危罔知懷謝今則躬
 依玉化虔對瑤壇選卜良辰肅陳醮禮伏冀
 南宮六聖別賜生名北斗七真明祛死籍三
 官削罪五帝除災剛往願於名山降休祥於
 聖澤又巨既頒詔命將對闕庭江山有登泛

之憂水陸有舟車之險實資明祐俯契深誠
獲達帝鄉克賜元旨敢忘修奉上答真靈臣
不任

漢州王宗慶尚書安宅醮詞

伏聞太朴肇分三靈設位巢穴之風既替棟
宇之制率與太古聖人隨時立教蓋所以庇
寒暑燥濕備風雨晦明其後象類滋繁擬議
殊庸錯之以乾坤震兌體之以微羽宮商推
彼陰陽運其刑德乙辛庚癸互列職司子午
丑寅旁羅主宰六神四殺之界龍虎交馳五
黃九紫之鄉禎祥藜萃法覆載而成用揆星
日以程功乃考古凶實聞顯據所以鶴隨太
歲驚避將軍況在最靈敢忘戒懼臣頃以所
居室宇淋陋非宜遂卜良辰再申締構取諸
大壯素彼偕奮慕前茅築土之風佩山節藻
枕之戒汚境云畢土木告周竊慮春鍾所興
或違禁忌功用之際或犯神靈乖五姓之宜
虧二宅之要或侵傷地脉或穿鑿岡原或汚
瀆吉神或鎮壓凶位因成灾咎曾未機陳是
用詳按玄經勵精丹懇虔修大醮恭請真文

啓靈寶赤書依洞玄符命辟斥凶惡安復龍
神謝過延恩祛災請福伏冀三尊降鑒五帝
垂光初八會威靈命三元將吏保寧宅宇清
爾方隅敎已往之罪尤賜將來之良吉允膺
祐護水遠又安其有住宅之中土地之主古
本遷易五姓雜居因此醮壇兼申真祝敬茲
誠禮各保道遷往陟福庭勿為此羈俾臣舉
家榮澤九族同榮常領忠孝之心以奉君親
之德不任

馬師穆尚書土星醮詞

伏以一氣分華三光攝耀照臨群品司牧萬
方運黃道而有常嚴玄宮而不察大則繫乾
坤劫脅邦國興亡否泰所宗安危攸屬次則
人倫善惡年運吉凶作曆短長咸歸主宰臣
以身官之內土耀所經本宿之中暗虛所歷
大小行運皆值衝妨命位之鄉天符所駐災
危重疊疾厄嬰纏徒訪三醫未祛久疾恐是
積生罪日構此凶表往世愆違成亞帶厄或
理務之所刑賞不明立身以來過尤結集神
明咎責年命屯蒙處夜憂兢願申祈謝是用

考詳纏緯披按科太恭詣靈壇虔修醮禮仰
中方而瀝懇瞻列象以馳心拜手炷香披誠
悔過伏冀玄司衆聖垂大有之慈至道高尊
降載生之澤錫除罪犯解刑災期和釋冤仇
銷平殃對使百關宣暢六氣均調疾苦痊瘳
福祥驟會延生南斗落死北宮克承覆祐之
仁敢負真靈之貺

廣成集卷之十二